



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac, 06.05.2013. godine

SLUŽBENI GLASNIK OPĆINE LUKAVAC

S A D R Ž A J 4/13

Akti Općinskog vijeća

1. Odluka o organizovanju i funkcionisanju zaštite od požara i vatrogastva na području općine Lukavac
2. Odluka o gubitku statusa javnog dobra u općoj upotrebi broj broj:01-02-1-449/13 od 30.04.2013. godine
3. Odluka o raspisivanju Javnog oglasa za izbor članova Upravnog odbora Centra za socijalni rad
4. Rješenje o izboru člana Komisije za poljoprivredu
5. Rješenje o imenovanju predsjednika i članova Upravnog odbora JU „Centar za socijalni rad” Lukavac
6. Rješenje o imenovanju člana Upravnog odbora JZU Dom zdravlja Lukavac
7. Zaključak o odbacivanju zahtjeva Bešić Naiifa, Hirkić Ibrahima, Hirkić Šemsudina, Handanović Izete, Handanović Sulje i Tanjić Zehre broj:02-31-3-1737/11 od 31.01.2013.godine
8. Zaključak o odbacivanju zahtjeva Handanović (Edhema) Izete broj:02-31-3-2115/06 od 03.04.2013.godine

Akti općinskog načelnika

1. Rješenje o imenovanju Komisije za provođenje konkursa i utvrđivanje liste upravitelja stambenih zgrada
2. Rješenje o imenovanju prvostepene komisije za rješavanje stambenih potreba boraca i članova njihovih porodica sa područja općine Lukavac za 2013. godine



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko Vijeće

Broj: 01-02-1-29/13

Lukavac, 03.05.2013. godine

Na osnovu člana 16. stav 1. tačka 1. i stav 2. te člana 165. Zakona o zaštiti od požara i vatrogastvu u Federaciji BiH („Službene novine Federacije Bosne i Hercegovine“, broj:64/09), člana 24. stav 2. Zakona o zaštiti od požara i vatrogastvu na području Tuzlanskog kantona („Službene novine Tuzlanskog kantona“, broj: 1/12) i člana 32. Statuta općine Lukavac-prečišćeni tekst („Službeni glasnik Općine Lukavac“, broj:5/08), Općinsko vijeće Lukavac, na 6. redovnoj sjednici održanoj dana 30.04.2013. godine, donijelo je

O D L U K U

o organizovanju i funkcionisanju zaštite od požara i vatrogastva na području općine Lukavac

I – OPĆE ODREDBE

Član 1.

Ovom Odlukom uređuje se organizacija i funkcionisanje zaštite od požara i vatrogastva na području općine Lukavac, utvrđuje nadležnost Općinskog vijeća, Općinskog načelnika, Općinskih službi za upravu i Općinske službe civilne zaštite, obaveze drugih institucija, pravnih i fizičkih lica i građana, u planiranju, organizovanju i provođenju zaštite od požara, organizovanje vatrogasne djelatnosti, kao i finansiranje zaštite od požara i vatrogastva u općini Lukavac.

Član 2.

Općina Lukavac, (u daljem tekstu: Općina) kao jedinica lokalne samouprave, osnovni je nosilac organiziranja i provođenja zaštite od požara i vatrogastva na području Općine.

Zaštita od požara i vatrogastvo iz stava 1. ovog člana, organizuje se i provodi na način utvrđen Zakonom o zaštiti od požara i vatrogastvu („Službene novine Federacije Bosne i Hercegovine“, broj:64/09), (u daljem tekstu: Federalni zakon) Zakonom o zaštiti od požara i vatrogastvu na području Tuzlanskog kantona („Službene novine Tuzlanskog kantona“, broj: 1/12), (u daljem tekstu: Kantonalni zakon) i ovom Odlukom, u okviru jedinstvenog sistema zaštite i spašavanja ljudi i materijalnih dobara od prirodnih nepogoda i drugih nesreća, Zakona o zaštiti i spašavanju ljudi i materijalnih dobara od prirodnih i drugih nesreća, („Službene novine Federacije Bosne i Hercegovine“, broj:39/03, 22/06, 43/10, u daljem tekstu: Zakon o zaštiti i spašavanju).

Član 3.

Vatrogastvo je obavezna javna služba čija je osnovna djelatnost zaštita i spašavanja ljudi i materijalnih dobara od požara, a trajno i neometano djelovanje ove Službe osigurava Općina, na način predviđen Federalnim i Kantonalnim zakonom.

Vatrogasna djelatnost je stručna i humanitarna djelatnost, koja je u funkciji zaštite osnovnih ljudskih prava na život i materijalna dobra, zbog čega predstavlja poseban javni interes za Općinu.

Član 4.

Temeljni nosioci organizovanja, pripremanja i provođenja zaštite od požara i vatrogasne djelatnosti je Općina i ista je dužna osigurati njihovo trajno i neometano obavljanje, na način predviđen Kanonalnim i Federalnim zakonom i ovom Odlukom.

Odgovorna osoba za organiziranje zaštite od požara je:

- a) vlasnik, odnosno korisnik imovine, kada se radi o privatnom vlasništvu;
- b) rukovodilac organa uprave, upravne organizacije i drugog organa u Općini;
- c) rukovodilac, odnosno druga odgovorna osoba u privrednom društvu i drugoj pravnoj osobi, određeno općim aktom pravne osobe.

Zaštita od požara mora se organizovati i provoditi u svim stambenim i drugim zgradama i objektima i na svim prostorima koji se smatraju građevinama prema Kantonalnom i Federalnom zakonu, koji prema Procjeni ugroženosti od požara mogu biti izloženi opasnostima od izbijanja i širenja požara.

Zaštitu od požara dužni su da organizuju i provode pravne i fizičke osobe, u okviru utvrđene nadležnosti, upravitelji u zgradama, u okviru utvrđenih obaveza u pogledu organizovanja i provođenja zaštite od požara koje su preuzeli ugovorom sa vlasnicima stanova, općinski organi i druge institucije koji su vlasnici, odnosno korisnici građevina i prostora, definisanih u Kantonalnom i Federalnom zakonu, na način određen Kantonalnim i Federalnim zakonom, ovom Odlukom, propisima donesenim na osnovu Zakona, priznatim pravilima i standardima, Planovima zaštite od požara, Odlukama organa uprave i Općinskog vijeća, te općim aktima pravnih lica.

Zaštita od požara u šumama, na šumskom i poljoprivrednom zemljištu dužni su da organizuju i provode sva pravna i fizička lica koji su vlasnici ili korisnici istih, kao i organi uprave kantona i općine, koji su nadležni za šume, šumska zemljišta i poljoprivredno zemljište, u skladu sa propisima koji se odnose na šume, šumsko i poljoprivredno zemljište i Kantonalnim i Federalnim zakonom.

Zaštitu od požara dužni su da provode i građani u svojim stanovima, stambenim zgradama (kućama) i drugim objektima i prostorima, koje koriste za svoje potrebe.

Vlasnik imovine, u smislu stava 4. ovog člana je fizička i pravna osoba, državni organ ili druga institucija, sa zaštićenim najširim ovlaštenjima posjedovanja, korištenja i raspolaganja nekom stvari, dok je korisnik imovine fizičko i pravno lice, državni organ ili druga institucija, koji na osnovu Ugovora koristi imovinu vlasnika, sa preuzetim obavezama po pitanju zaštite od požara.

Svaki pojedinac ima obavezu da vodi računa da svojim postupcima ne ugrožava živote ljudi i imovinu drugih vlasnika ili posjednika.

II – NADLEŽNOST ORGANA VLASTI OPĆINE

Član 5.

Općina u oblasti zaštite od požara i vatrogastva je dužna da organizuje zaštitu od požara i vatrogastva na području Općine i vodi brigu o uspješnom sprovođenju i preduzimanju mjera za unapređenje zaštite od požara i vatrogastva.

Član 6.

Općinsko vijeće općine Lukavac (u daljem tekstu: Općinsko vijeće) u oblasti zaštite od požara i vatrogastva:

- 1) Donosi Odluku o organizovanju i funkcionisanju zaštite od požara i vatrogastva na području Općine;
- 2) Utvrđuje Program razvoja zaštite od požara i vatrogastva općine Lukavac, u okviru Programa razvoja zaštite i spašavanja od prirodnih i drugih nesreća u Općini;
- 3) Donosi Plan zaštite od požara općine Lukavac, u skladu sa Uredbom o sadržaju i načinu izrade i sadržaju planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, broj:8/11) i osigurava realizaciju tog Plana;
- 4) Razmatra stanje zaštite od požara i vatrogastva na području Općine i utvrđuje odgovarajuće mjere za dogradnju i efikasno funkcionisanje vatrogastva;
- 5) Donosi Odluku o osnivanju Profesionalne vatrogasne jedinice (u daljem tekstu : PVJ);
- 6) Donosi Odluku o organizaciji i radu dimnjačarske djelatnosti, rokove čišćenja dimnjaka, uslove za vršenje dimnjačarske službe, te druga pitanja od značaja za obavljanje dimnjačarske djelatnosti, te obavljanje nadzora nad radom dimnjačarske službe;
- 7) Planira i osigurava finansijska sredstva u budžetu Općine, za finansiranje potreba zaštite od požara i vatrogastva iz nadležnosti Općine.

Član 7.

Općinski načelnik u oblasti zaštite od požara i vatrogastva, na prijedlog Službe za civilnu zaštitu:

- 1) Utvrđuje Procjenu ugroženosti od požara na području Općine, u okviru Procjene ugroženosti od prirodnih i drugih nesreća u Općini;
- 2) Predlaže Općinskom vijeću donošenje Plana zaštite od požara iz člana 4. stav 2.tačka 3. ove Odluke;
- 3) Predlaže Općinskom vijeću donošenje Odluke o osnivanju PVJ iz člana 4. stav 2.tačka 5. ove Odluke;
- 4) Utvrđuje ličnu i materijalnu formaciju PVJ iz tačke 3. ovog člana;
- 5) Predlaže Općinskom vijeću Program razvoja zaštite od požara i vatrogastva , u okviru Programa razvoja zaštite i spašavanja od prirodnih i drugih nesreća u Općini;
- 6) Dobrovoljno vatrogasno društvo ili dobrovoljnu vatrogasnu jedinicu u tom društvu, proglašava službom za zaštitu od požara Općine, na način predviđen podzakonskim propisom, donesenim na osnovu Zakona o zaštiti i spašavanju, a koji se odnosi na formiranje službi zaštite i spašavanja ljudi i materijalnih dobara od prirodnih i drugih nesreća.
- 7) Utvrđuje uslove, prioritete i način korištenja finansijskih sredstava prikupljenih na posebnom jedinstvenom transakcijskom računu iz člana 21. ove Odluke, za nabavku vatrogasne opreme, tehničkih i drugih sredstava, stručno obučavanje i osposobljavanje vatrogasaca, održavanje opreme i vatrogasnih sredstava, te investicionu izgradnju i opremanje objekata za potrebe vatrogasne jedinice;

- 8) Donosi Odluku o izmjenama i dopunama Pravilnika o unutrašnjoj organizaciji općinskih službi za upravu i drugih službi u Općini, uz saglasnost Općinskog vijeća, za potrebe realizacije aktivnosti iz člana 17.ove Odluke;
- 9) Utvrđuje istraživačke i razvojne projekte u oblasti zaštite od požara i vatrogastvu, njihove izvršioce i način finansiranja tih projekata;
- 10) Utvrđuje formaciju Profesionalne vatrogasne jedinice, na način propisan Kantonalnim i Federalnim zakonom i ovom Odlukom;
- 11) Osigurava kadrovske, materijalne, tehničke i druge potrebe za efikasno funkcionisanje vatrogastva u Općini;
- 12) Vršiti i druge poslove zaštite od požara i vatrogastva u nadležnosti Općine, u skladu sa ovom Odlukom, Kantonalnim i Federalnim Zakonom i drugim propisima.

Član 8.

Općinske službe za upravu, u oblasti zaštite od požara i vatrogastva, u okviru svog djelokruga rada, organizuju i provode zaštitu od požara, radi zaštite ljudstva i materijalnih dobara koja koriste u svom radu.

Pored poslova iz stava 1. ovog člana, obavljaju i sljedeće poslove zaštite od požara:

- 1) Učestvuju u izradi Procjene ugroženosti od požara i Programa razvoja zaštite od požara i vatrogastva iz člana 4. stav 1.tačka 1) i 2) ove Odluke, iz oblasti za koju su osnovani;
- 2) U okviru svoje redovne djelatnosti realizuju zadatke u oblasti zaštite od požara koji su utvrđeni u dokumentima iz tačke1) ovog člana, koji se odnose na oblast za koju su osnovani;
- 3) Vršiti i druge poslove zaštite od požara i vatrogastva, u skladu sa Zakonom i drugim propisima, kojima je uređena ova oblast.

Član 9.

Za obavljanje poslova iz oblasti zaštite od požara i vatrogastva, u Službi civilne zaštite Općine, osniva se Odsjek za zaštitu od požara i vatrogastvo.

Član 10.

Služba civilne zaštite (u daljem tekstu Služba), kao osnovni stručni organ u općini Lukavac za oblast zaštite od požara i vatrogastva, obavlja sljedeće poslove:

- 1) Preduzima odgovarajuće mjere i aktivnosti na organizaciji i provođenju zaštite od požara i vatrogastva na području Općine;
- 2) Obavlja stručne i druge poslove koji se odnose na organizovanje PVJ Općine i predlaže i poduzima mjere na osiguranju kadrovskih, materijalnih, tehničkih i drugih uslova, potrebnih za efikasan rad i funkcioniranje te jedinice i u tim pitanjima ostvaruje saradnju sa Kantonalnom upravom civilne zaštite;
- 3) Definiše i predlaže pitanja koja se odnose na razvoj zaštite od požara i vatrogastva u okviru Programa razvoja zaštite i spašavanja ljudi i materijalnih dobara od prirodnih i drugih nesreća Općine, a što se vrši u saradnji sa ostalim Službama za upravu Općine;
- 4) Nosilac je aktivnosti na izradi Plana zaštite od požara iz člana 4.stav 2. tačka 3. ove Odluke i osigurava njegovu realizaciju, uz učešće Službi za upravu Općine i drugih institucija i organa;

- 5) Planira i osigurava provođenje obuke i stručno osposobljavanje i usavršavanje pripadnika PVJ i drugih lica koja se bave poslovima vatrogastva;
- 6) Pruža stručnu i drugu pomoć dobrovoljnim vatrogasnim društvima radi uspješnog obavljanja poslova zaštite od požara i vatrogastva iz njihove nadležnosti od značaja za vatrogastvo i efikasnije učešće u gašenju požara na području Općine;
- 7) Ostvaruje saradnju sa pravnim licima u kojima su osnovane vatrogasne jedinice, kroz održavanje zajedničkih sastanaka i drugih oblika saradnje koja se odnosi na osnivanje i funkcionisanje vatrogasnih jedinica i osposobljavanje za efikasno gašenje požara i mogućeg učešća tih jedinica u gašenju požara van objekata i prostora pravnog lica na području Općine;
- 8) Ostvaruje saradnju sa Službama civilne zaštite susjednih općina u pitanjima od zajedničkog interesa za zaštitu od požara i vatrogastvo;
- 9) U okviru Operativnog centra civilne zaštite, organizuje funkcionalni dio informacionog sistema za zaštitu od požara i vatrogastvo;
- 10) Planira finansijska sredstva u budžetu Općine za finansiranje potreba zaštite od požara i vatrogastva iz nadležnosti Općine;
- 11) Vršiti i druge poslove iz oblasti zaštite od požara i vatrogastva koji su Zakonom, propisima Kantona, te Odlukama Općinskog vijeća, stavljani u nadležnost Službe za civilnu zaštitu Općine.

III – DUŽNOSTI OPĆINSKIH SLUŽBI ZA UPRAVU, DRUGIH INSTITUCIJA, PRAVNIH I FIZIČKIH LICA I GRAĐANA U OBLASTI ZAŠTITE OD POŽARA

Član 10.

Organizacija i funkcionisanje zaštite od požara u Općini, utvrđuje se u skladu sa Federalnim i Kantonalnim zakonom, podzakonskim aktima, ovom Odlukom i Planom zaštite od požara.

Član 11.

Zaštitu od požara, dužni su da organizuju i provode Općinske službe za upravu i druge institucije, pravna i fizička lica, te građani, u svim građevinama i prostorima u kojima borave i rade, uključujući i šume, šumska i poljoprivredna zemljišta, kao i ostale prirodne resurse na području Općine.

Vlasnici ili korisnici građevina i prostora, upravitelji stambenih objekata, kao i vlasnici i korisnici šuma, šumskog i poljoprivrednog zemljišta iz stava 1. ovog člana, odgovorni su za zaštitu od požara u tim građevinama i prostorima.

Član 12.

Organi uprave i druge institucije, pravna i fizička lica, građani, iz člana 10. stav. 1. ove Odluke, dužni su izvršavati zadatke, odnosno mjere zaštite od požara, utvrđene u Planu zaštite od požara Općine, koji se na njih odnose.

Plan zaštite od požara, za vlastite potrebe, obavezno donose i Općinske službe za upravu i druge institucije i pravna lica koji budu određeni u Planu zaštite od požara iz stava 1. ovog člana.

Član 13.

Pravna lica, organi uprave i druge institucije na području Općine, dužni su donijeti opći akt- Pravilnik zaštite od požara, kojim će utvrditi cjelokupnu organizaciju zaštite od požara i način njenog funkcionisanja u građevinama i prostorima koje to pravno lice, organ uprave ili institucija koristi u svom radu, u skladu sa vrstom djelatnosti koju obavljaju i procesom rada.

Član 14.

Pravna lica, državni organi i druge institucije, dužni su upoznati sva zaposlena lica sa općim aktom iz člana 12. ove Odluke, kao i provoditi stručnu obuku i osposobljavanje za zaštitu od požara, na način predviđen članom 128. Federalnog zakona.

Član 15.

Pravna lica, Općinski organi uprave, druge institucije i građani, dužni su Operativnom centru civilne zaštite, iz člana 8. tačka 9. ove Odluke, dostavljati podatke o događajima koji se odnose na pojave požara i eksplozija, širenje požara, uzrocima nastanka požara, objektima i prostoru koji je ugrožen požarom, vatrogasnim jedinicama i drugim snagama angažovanim na gašenju požara, nastalim posljedicama i drugim podacima od značaja za pojavu požara ili eksplozije na određenom prostoru.

Član 16.

Javno preduzeće komunalnih djelatnosti i druga registrovana pravna i fizička lica koja upravljaju vodovodnom i hidrantskom mrežom na području općine Lukavac, dužna su pri izgradnji, rekonstrukciji i korištenju ovih mreža, osigurati propisani protočni kapacitet i pritisak vode u hidrantskoj mreži za potrebe gašenja požara.

Javno preduzeće komunalnih djelatnosti i druga registrovana pravna i fizička lica koja upravljaju vodovodnom i hidrantskom mrežom na području općine Lukavac iz stava 1. ovog člana, dužno je stalno održavati u ispravnom stanju hidrantsku mrežu na području Općine, o čemu treba voditi odgovarajuću evidenciju i o tome izužestavati PVJ Općine.

Član 17.

Vlasnici i korisnici građevina i prostora i upravitelji stambenih objekata, u čijim građevinama i objektima je izvedena unutrašnja i vanjska hidrantska mreža, drugi uređaji i oprema za gašenje požara, kao i sistemi aktivne zaštite od požara, dužni su te uređaje, opremu i sisteme, stalno održavati u ispravnom stanju, redovno vršiti njihovu kontrolu ispravnosti, o čemu moraju voditi odgovarajuću evidenciju.

IV ORGANIZOVANJE VATROGASNE DJELATNOSTI

Član 18.

Općina je dužna da organizira zaštitu od požara i vatrogastvo na području Općine i vodi brigu o osiguranju zaštite života i zdravlja ljudi i materijalnih dobara od požara na svom području, što se ostvaruje osnivanjem PVJ, na način propisan Federalnim i Kantonalnim zakonom i ovom Odlukom.

Upravne, stručne i druge poslove zaštite od požara i vatrogastva iz nadležnosti Općine, vrši Odsjek za zaštitu od požara i vatrogastvo, koja se nalazi u sastavu Službe za civilnu zaštitu.

Na osnovu pokazatelja o potrebnom broju vatrogasaca utvrđenih u Procjeni ugroženosti od požara Općine, u Planu zaštite od požara Općine, utvrdiće se ukupan broj vatrogasaca, koji je potreban za efikasno djelovanje PVJ na području Općine.

Član 19.

Područje djelovanja PVJ iz člana 8. ove Odluke, je područje Općine, s tim da se po naredbi Službe za civilnu zaštitu, odnosno Općinskog štaba civilne zaštite Lukavac,

ova jedinica može uputiti i izvan područja djelovanja, što se vrši u uslovima utvrđenim članovima 94. i 96. Federalnog zakona.

Poslovi PVJ Općine , utvrđeni su Federalnim zakonom.

V FINANSIRANJE ZAŠTITE OD POŽARA I VATROGASTVA

Član 20.

Finansijska sredstva za provođenje poslova i zadataka iz oblasti zaštite od požara i vatrogastva na području Općine, planiraju se i osiguravaju u budžetu Općine, na prijedlog Službe za civilnu zaštitu Općine.

Član 21.

Potrebna finansijska sredstva, iz člana 20. ove Odluke, planiraju se na osnovu poslova i zadataka, koji su za oblast zaštite od požara i vatrogastva utvrđeni u Programu rada Općinskog načelnika, Službe za civilnu zaštitu i drugih Općinskih službi za upravu, te na osnovu poslova i zadataka utvrđenih u dokumentima iz člana 4. stav 1. tačka 2) i 3) ove Odluke, koji predstavljaju osnovna dokumenta za organizaciju i funkcionisanje zaštite od požara i vatrogastva na području Općine.

Član 22.

Služba za budžet Općine otvoriće poseban transakcijski račun, za potrebe prikupljanja sredstava posebne naknade, koja će izdvajati društva za osiguranje i druga pravna lica, koja se bave osiguranjem imovine i koja vrše registraciju vozila, kao i druga sredstva koja se obezbjeđuju u skladu sa Federalnim zakonom, za finansiranje vatrogasne djelatnosti u općini Lukavac.

VI INSPEKCIJA ZA ZAŠTITU OD POŽARA I VATROGASTVO

Član 23.

Inspeksijski nadzor u oblasti zaštite od požara i vatrogastva vrše Federalna uprava civilne zaštite i Kantonalna uprava civilne zaštite, u skladu sa članovima od 145. do 149. Zakona o zaštiti od požara i vatrogastvu.

Član 24.

Inspeksijski nadzor u oblasti zaštite od požara vrši Federalno ministarstvo unutrašnjih poslova i Kantonalno ministarstvo unutrašnjih poslova, u skladu sa članovima od 150. do 156. Zakona o zaštiti od požara i vatrogastvu.

Član 25.

Inspeksijski nadzor zaštite od požara u šumama, na poljoprivrednom zemljištu i okolini obavljaju šumarski inspektori, a na poljoprivrednom zemljištu obavljaju poljoprivredni inspektori, a na zaštićenim područjima prirodnog i kulturno-istorijskog naslijeđa nadzor vrše inspektori iz te oblasti po propisima kojima su uređene inspekcije u tim oblastima.

Član 26.

Poslove inspeksijskog nadzora u oblasti zaštite od požara i vatrogastvo u Općini, vrše Kantonalni inspektori za zaštitu od požara i Kantonalni inspektori za vatrogastvo.

VII KAZNENE ODREDBE

Član 27.

Kaznene odredbe propisane su u članovima 166. do 169. Zakona o zaštiti od požara i vatrogastva Federacije BiH i članovima 35. do 37. Zakona o zaštiti od požara i vatrogastvu na području Tuzlanskog kantona.

VIII PRELAZNE I ZAVRŠNE ODREDBE

Član 28.

U cilju praćenja izvršenja Plana zaštite od požara Općine, Općinsko vijeće svake godine, do kraja februara, razmatra i ocjenjuje njegovu realizaciju i vrši odgovarajuće izmjene sa novonastalim promjenama, koje su važne za zaštitu od požara, kao što su urbanističke i građevinske promjene, kao i promjene namjene građevina i slično i utvrđuje mjere za njegovu potpunu realizaciju, a posebno mjere koje se odnose na osiguravanje neophodnih finansijskih sredstava za realizaciju planiranih zadataka.

Član 29.

Općinski načelnik će, svojim posebnim odlukama uredi pitanja organizovanja, planiranja i provođenja mjera zaštite od požara na otvorenim prostorima (šume, šumsko i poljoprivredno zemljište, drugi prirodni resursi), kao i druga pitanja iz ove oblasti, koja ovom Odlukom nisu obuhvaćena.

Pravilnike i druge akte čije donošenje predviđeno ovom Odlukom nadležni organi su dužni donijeti do 31.12.2013. godine.

Član 30.

Ova Odluka stupa na snagu danom objavljivanja u „Službenom glasniku općine Lukavac“

**PREDSJEDAVAJUĆI
OPĆINSKOG VIJEĆA**

Dževdet dr.Osmanbegović s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-02-1-449/13

Lukavac, 30.04.2013. godine

Na osnovu člana 4. stav 2. Zakona o prometu nepokretnosti ("Službeni list SR BiH", broj: 38/78, 4/89, 29/90, 22/91) i ("Službene novine R BiH", broj: 21/92, 3/93, 17/93, 13/94, 18/94 i 33/94), člana 32. Statuta općine Lukavac – prečišćeni tekst („Službeni glasnik općine Lukavac“, broj: 5/08), na 6. redovnoj sjednici, održanoj dana 30.04.2013.godine Općinsko vijeće Lukavac, donijelo je

O D L U K U
o gubitku statusa javnog dobra u općoj upotrebi

Član 1.

Utvrđuje se da su izgubile status Javnog dobra u općoj upotrebi nekretnina označena kao k.č.br. 336/37 zvana "Bara" Oranica u površini od 26 m², upisana u zk.ul.br. 3694 k.o. Bistarac, zemljišnoknjižno vlasništvo Društvena svojina – Javno dobro - Lukavac (po starom premjeru), a što po novom premjeru odgovara nekretnini označenoj kao k.č.br. 2544/5 zvana „Bara“ Njive IV klase u površini od 26 m², upisana u pl.br. 314 k.o. Lukavac, Društvena svojina javni i nekategorisani putevi 1/1.

Član 2.

Na osnovu ove Odluke Zemljišno-knjižni ured Lukavac, Općinskog suda u Tuzli i Katastarski operat općine Lukavac, brisat će izvršeni upis zemljišta iz člana 1. ove Odluke i isto uknjižiti kao Državnu svojinu u odgovarajući zemljišno-knjižni uložak i posjedovni list, sa pravom raspolaganja i posjeda u korist "Općine Lukavac".

Član 3.

Ova Odluka stupa na snagu narednog dana od dana objavljivanja u "Službenom glasniku općine Lukavac".

PREDSJEDAVAJUĆI
OPĆINSKOG VIJEĆA
Dr. Dževdet Osmanbegović s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko Vijeće

Broj:01-02-1- 676 / 13
Lukavac, 03.05.2013.godine

Na osnovu člana 51. stav 2 Zakona o socijalnoj zaštiti, zaštiti civilnih žrtava rata i zaštiti obitelji s djecom -prečišćeni tekst („Službene novine TK-a“, broj:5/12), člana 8. Zakona o ministarskim, vladinim i drugim imenovanjima Federacije BiH («Službene novine F BiH», broj 12/03), člana 3. stav 2. Odluke o utvrđivanju uslova i kriterija za imenovanja na pozicije u regulirane organe («Sl. glasnik općine Lukavac», broj 6/04) i člana.105. Statuta općine Lukavac – prečišćeni tekst („Službeni glasnik općine Lukavac“, broj: 05/08), Općinsko vijeće Lukavac, na 6. redovnoj sjednici održanoj dana 30.04.2012 .godine, donijelo je

O D L U K U

o raspisivanju Javnog oglasa za izbor predsjednika i članova
Upravnog odbora JU “Centar za socijalni rad” Lukavac

Član 1.

Ovom Odlukom utvrđuje se potreba raspisivanja Javnog oglasa za izbor predsjednika i članova Upravnog odbora JU “Centar za socijalni rad” Lukavac iz reda osnivača i stručnih radnika zaposlenih u Ustanovi, kao i postupak izbora koji prethodi imenovanju.

Član 2.

Postupak izbora koji prethodi imenovanju provest će Komisija za izbor, koju imenuje Općinski načelnik.

Komisija za izbor, koja se sastoji od pet članova, od kojih su najmanje tri državni službenici, dužna je da pregleda pristigle prijave, sačini rang listu uspješnih kandidata te istu ponudi Općinskom vijeću na daljnji postupak.

Član 3.

Konačno imenovanje predsjednika i članova Upravnog odbora JU “Centar za socijalni rad” Lukavac po provedenom postupku izvršit će Općinsko vijeće na prijedlog Općinskog načelnika.

Član 4.

Sastavni dio ove Odluke je tekst Javnog oglasa za izbor predsjednika i članova Upravnog odbora JU “Centar za socijalni rad” Lukavac.

Član 5.

Odluka stupa na snagu danom objavljivanja se u «Službenom glasniku općine Lukavac».

Predsjedavajući
Općinskog vijeća
Dr. Dževdet Osmanbegović s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj:01-05-566-1/13
Lukavac, 30.04.2013.godine

Na osnovu člana 32. Statuta općine Lukavac - prečišćeni tekst („Službeni glasnik općine Lukavac“ broj 5/08), člana 25. i 26. Poslovnika o radu Općinskog vijeća Lukavac (»Službeni glasnik općine Lukavac“ br. 5/06, 2/09 i 5/09), Općinsko vijeće Lukavac na 6. redovnoj sjednici održanoj dana 30.04.2013. godine, donijelo je

RJEŠENJE
o izboru člana Komisije za poljoprivredu

I

U sastav Komisije za poljoprivredu izabran je:

1. Zijad Gazetićčlan

II

Mandat predsjednika i članova Komisije traje četiri godine i vezan je mandatom saziva Općinskog vijeća.

III

Rješenje proizvodi pravno dejstvo danom donošenja i objavit će se u “Službenom glasniku općine Lukavac”.

PREDSJEDAVAJUĆI
OPĆINSKOG VIJEĆA

Dr. Dževdet Osmanbegović s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-02-705 / 13
Lukavac 30.04.2013.godine

Na osnovu člana 51 stav 2 Zakona o socijalnoj zaštiti, zaštiti civilnih žrtava rata i obitelji s djecom-prečišćeni tekst ("Službene novine TK " broj:5/12), člana 12. Zakona o ministarskim, vladinim i drugim imenovanjima FBiH ("Službene novine F BiH" broj 12/03) i člana 105. Statuta općine Lukavac – prečišćeni tekst („Službeni glasnik općine Lukavac“ broj 05/08), Općinsko vijeće Lukavac na 6. redovnoj sjednici održanoj dana 30.04.2013.godine, donijelo je

R J E Š E N J E

o imenovanju predsjednika i članova Upravnog odbora
Javne ustanove "Centar za socijalni rad" Lukavac

I

Za predsjednika i članove Upravnog odbora Javne ustanove " Centar za socijalni rad" Lukavac imenuje se slijedeća lica

1. Atić Almedinapredsjednik
2. Biković Mehmed.....član
3. Erna Sakić.....član.

II

Mandat članova Upravnog odbora traje do okončanja procedure izbora predsjednika i članova Upravnog odbora Javne ustanove "Centar za socijalni rad" Lukavac po Odluci broj:01-02-1- 676 /13 od 30.04.2013.godine, a najduže 2 (dva) mjeseca.

III

Ovo rješenje proizvodi pravno dejstvo danom donošenja, a objavit će se u "Službenom glasniku Općine Lukavac.

PREDSJEDAVAJUĆI
OPĆINSKOG VIJEĆA

Dr. Dževdet Osmanbegović s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-05-1559-2/12
Lukavac, 30.04.2013.godine*

Na osnovu člana 12. Zakona o ministarskim, vladinim i drugim imenovanjima ("Službene novine F BiH", broj:12/03), člana 105. Statuta općine Lukavac – prečišćeni tekst („Službeni glasnik općine Lukavac“ broj 5/08), Općinsko vijeće Lukavac na 6. redovnoj sjednici održanoj dana 30.04.2013.godine donijelo je

*RJEŠENJE
o imenovanju člana Upravnog odbora
JZU "Dom zdravlja" Lukavac*

I

Za člana Upravnog odbora JZU "Dom zdravlja" Lukavac, iz reda Ministarstva zdravstva Tuzlanskog kantona, imenuje se Suad Hasanhodžić privremeno do okončanja procedure Ministarstva zdravstva TK-a .

II

Rješenje proizvodi pravno dejstvo danom donošenja, a objavit će se u "Službenom glasniku Općine Lukavac".

*PREDSJEDAVAJUĆI
OPĆINSKOG VIJEĆA*

Dr. Dževdet Osmanbegović s.r..



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-31-3-1737/11
Lukavac, 06.05.2013. godine

Na osnovu člana 67. stav 2. Zakona o upravnom postupku Federacije Bosne i Hercegovine ("Službene novine F BiH " broj: 2/98 i 48/99) i člana 32. Statuta općine Lukavac-prečišćeni tekst ("Službeni glasnik općine Lukavac" broj 5/08), Općinsko vijeće Lukavac na 6. redovnoj sjednici na sjednici održanoj dana 30.04.2013.godine

ZAKLJUČAK

Odbacuje se zahtjev Bešić Naifa, Hirkić Ibrahima, Hirkić Šemsudina, Handanović Izeta, Handanović Sulje i Tanjić Zejra svi iz Puračića, općina Lukavac, podnesen ovom organu dana 22.11.2011.godine i smatra se da uopće nije podnesen.

Obrazloženje

Bešić Naif, Hirkić Ibrahim, Hirkić Šemsudin, Handanović Izeta, Handanović Suljo i Tanjić Zejr iz Puračića, podnijeli su ovom organu putem Stručne službe Općinskog vijeća Lukavac dana 14.12.2012. godine, zahtjev za dodjelu zemljišta.

Po navedenom zahtjevu ovaj organ nije mogao voditi upravni postupak, zbog toga što zahtjev sadrži nedostatke koji su sprječavali rad. Naime, radi se o nepotpunom, nedorečeno (nepreciznom) i nejasnom zahtjevu bez navođenja podataka o zemljištu za koje se traži dodjela po starom i novom premjeru, kao ni pravne prirode predmetnog zahtjeva tj. na kojem pravnom osnovu se zahtjev zasniva, odnosno da li se predmetni zahtjev odnosi na dodjelu zemljišta u skladu sa odredbama člana 44. i 45. Zakona o građevinskom zemljištu („Službene novine FBiH“, broj: 25/03 i 67/05), a u vezi sa članom 3 i 4. Odluke o uslovima i načinu dodjele građevinskog zemljišta u državnom vlasništvu („Službeni glasnik općine Lukavac“, broj: 2/04, 4/05, 7/05, 8/05, 5/06 7/08), ukoliko se radi o neizgrađenom gradskom građevinskom zemljištu ili se predmetnim zahtjevom traži dodjela zemljišta shodno odredbama člana 61. Zakona o građevinskom zemljištu, ukoliko se radi o izgrađenom gradskom građevinskom zemljištu.

Na osnovu prethodno navedenog, podnositeljima zahtjeva je određeno da u roku od 15 (petnaest) dana preciziraju, pojasne i dopune predmetni zahtjev, kako bi se povodom istaknutog zahtjeva mogao provesti ispitni postupak i odlučiti o osnovanosti istog, sa upozorenjem da će se zahtjev odbaciti ako nedostatke ne otklone u datom roku. O tome je u spisu predmeta poziv na dopunu zahtjeva. Budući da navedeni nedostaci nisu otklonjeni, u skladu sa članom 67. stav 2. Zakona o upravnom postupku, riješeno je kao u dispozitivu ovog zaključka.

POUKA O PRAVNOM LJJEKU:

Protiv ovog Zaključka ne može se uložiti žalba, ali se može tužbom pokrenuti upravni spor kod Kantonalnog suda u Tuzli u roku od 30 dana od dana prijema ovog Zaključka.

PREDSJEDAVAJUĆI
OPĆINSKOG VIJEĆA
Dr.Dževdet Osmanbegović s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-31-3-2115/06
Lukavac, 30.04.2013. godine

Na osnovu člana 67. stav 2. Zakona o upravnom postupku Federacije Bosne i Hercegovine ("Službene novine F BiH " broj: 2/98 i 48/99) i člana 32. Statuta općine Lukavac-prečišćeni tekst ("Službeni glasnik općine Lukavac" broj 5/08), Općinsko vijeće Lukavac na 6.redovnoj sjednici održanoj dana 30.04.2013.godine, donijelo je

ZAKLJUČAK

Odbacuje se zahtjev Handanović (Edhem) Izete iz Puračića, općina Lukavac, podnesen ovom organu dana 18.10.2006. godine i smatra se da uopće nije podnesen.

Obrazloženje

Handanović (Edhem) Izeta iz Puračića, podnijela je ovom organu dana 18.10.2006. godine, zahtjev za utvrđivanjem prava vlasništva građenjem objekta na zemljištu u državnoj svojini, u skladu sa odredbama člana 61. Zakona o građevinskom zemljištu Federacije Bosne i Hercegovine („Službene novine FBiH“, broj: 25/03 i 67/05).

Po navedenom zahtjevu ovaj organ nije mogao voditi upravni postupak, zbog toga što predmetni zahtjev sadrži nedostatke koji su spriječavali rad. Naime, radi se o nepotpunom zahtjevu, jer u istom nisu navedeni podaci o zemljištu za koje se traži dodjela po starom i novom premjeru. Shodno navedenom, podnositeljici zahtjeva je određeno da u roku od 15 (petnaest) dana dopuni predmetni zahtjev, kako bi se povodom istaknutog zahtjeva mogao provesti ispitni postupak i odlučiti o osnovanosti istog, sa upozorenjem da će se zahtjev odbaciti ako nedostatke ne otklone u datom roku, i to u smislu da se pismeno izjasni da li i dalje ostajete pri podnešenom zahtjevu ili odustaje od istog, te u koliko ostaje pri podnešenom zahtjevu da se izjasnite o kojem zemljištu se radi po starom i novom premjeru i ovom organu dostaviti original ili ovjerenu kopiju Zemljišnoknjižnog izvadka za predmetno zemljište i original ili ovjerenu kopiju Naknadnu urbanističku saglasnost izdate od strane Službe za urbanizam, prostorno planiranje i investicije općine Lukavac, kojim se legalizuje gradnja na predmetnom zemljištu. O tome je u spisu predmeta poziv na dopunu zahtjeva. Budući da navedeni nedostaci nisu otklonjeni, u skladu sa članom 67. stav 2. Zakona o upravnom postupku, riješeno je kao u dispozitivu ovog zaključka.

POUKA O PRAVNOM LIJEKU:

Protiv ovog Zaključka ne može se uložiti žalba, ali se može tužbom pokrenuti upravni spor kod Kantonalnog suda u Tuzli u roku od 30 dana od dana prijema ovog Zaključka.

PREDSJEDAVAJUĆI
OPĆINSKOG VIJEĆA
Dr. Dževdet Osmanbegović s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinski načelnik

Broj: 02-05-622/13
Lukavac, 12.04.2013.godine

Na osnovu člana 108. Statuta Općine Lukavac- prečišćeni tekst („Službeni glasnik Općine Lukavac”, broj: 5/08) i člana 7. stav 3. Odluke o uslovima i načinu izbora upravitelja stambenih zgrada i dobijanja odobrenja za obavljanje poslova upravitelj („Službeni glasnik općine Lukavac”, broj:3/04), Načelnik Općine Lukavac donosi

R J E S E N J E

o imenovanju Komisije za provođenje konkursa i utvrđivanje liste upravitelja stambenih zgrada

I

Za provođenje konkursa i utvrđivanje liste upravitelja stambenih zgrada imenuje se Komisija u sastavu :

1. Crvenković Drago, predsjednik Komisije
2. Šarić Mensur, član
3. Stjepić Mladenka, član

II

Zadatak Komisije iz tačke 1. ovog Rješenja je da u skladu sa Odlukom o uslovima i načinu izbora upravitelja stambenih zgrada i dobijanju odobrenja za obavljanje poslova upravitelja razmotri prispjele prijave i utvrdi listu upravitelja.

III

Ovo Rješenje stupa na snagu danom donošenja, a objavit će se u „Službenom glasniku Općine Lukavac”.

OPĆINSKI NAČELNIK

Dževad Mujkić, dipl.pravnik s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinski Načelnik

Broj : 02-05-706/13.
Lukavac, 06.05.2013.godine

Na osnovu člana 110. Statuta općine Lukavac – prečišćeni tekst („Službeni glasnik općine Lukavac“, broj 5/08.), a u skladu sa članom 24. i 25. stav 1. Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba branitelja i članova njihove porodice na području Tuzlanskog kantona („Službene novine TK“, broj 10/11. i 14/11.) i broj : 02/1-14-4111/13. od 14.03.2013. godine, Načelnik općine Lukavac donosi

RJEŠENJE

o imenovanju Prvostepene komisije za rješavanje stambenih potreba boraca i članova njihovih porodica sa područja općine Lukavac za 2013. godinu

Član 1.

Imenuje se Prvostepena komisija za rješavanje stambenih potreba boraca i članova njihovih porodica sa područja općine Lukavac za 2013. godinu, u sastavu :

1. Alibegović Muhidin – dipl. pravnik
2. Lozić Milica– dipl.ing.građevine
3. Hodžić Vehid– administrativno-tehnički poslovi
4. Hasanović Seudin – predstavnik OPSŠ-PB
5. Sakić Suad – predstavnik ORVI
6. Bajrić Nedžad – predstavnik ODB

Predsjednika Prvostepena komisije za rješavanje stambenih potreba boraca i članova njihovih porodica sa područja općine Lukavac izabrat će članovi komisije na konstituirajućoj sjednici iz reda navedenih članova.

Član 2.

Mandat članovima Prvostepene komisije traje do okončanja postupka.

Član 3.

Zadatak Prvostepene komisije je da na osnovu zahtjeva stranaka provede postupak i izvrši bodovanje u skladu sa Uredbom o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba branitelja i članova njihove porodice na području Tuzlanskog kantona („Službene novine TK“, broj 10/11. i 14/11.) i broj : 02/1-14-4111/13. od 14.03.2013. godine.

Član 4.

Prvostepenoj komisiji pripada naknada za rad u visini od 1,00 % odobrenih sredstava po Programu stambenog zbrinjavanja za tu općinu, a shodno članu 25. stav 5. Uredbe.

Član 5.

Ovo Rješenje stupa na snagu danom donošenja, a objavit će se u Službenom glasniku općine Lukavac.

OPĆINSKI NAČELNIK

Dževad Mujkić, dipl.pravnik s.r.

**SLUŽBENI GLASNIK OPĆINE
L U K A V A C**

Broj:4/13

Izdaje :.....Općina Lukavac

Uređuje.....Stručna Služba Općinskog vijeća

Tiraž.....55 primjeraka

Adresa.....Općina Lukavac - Općinsko vijeće

Telefon - fax:553-253

Službeni glasnik izdaje se po potrebi